

逃禪詞一卷

楊无咎

逃禪詞

目錄

水龍吟六調
一斛珠一調
垂絲釣二調
青玉案四調
滿庭芳一調
傳言玉女二調
一叢花一調
蝶戀花四調
傾杯樂一調
鷺山溪四調
點絳脣四調
上林春令一調
鵲橋仙一調
卓牌子慢一調
醉花陰五調

念奴嬌一調
陽春一調
解蹀躞一調
望江南四調
二郎神一調
於中好三調
好事近一調
鏐解令一調
望海潮一調
醉蓬萊三調
卜算子三調
瑞鶴仙四調
洞仙歌一調
倒垂柳一調
解蹀躞一調

隔浦蓮一調
白雪一調
醉落魄一調
選冠子一調
水調歌頭四調
瑞雲濃一調
殢人嬌二調
憶秦娥一調
齊天樂二調
朝中措二調
滴滴金二調
雨中花慢三調
多麗一調
惜黃花慢一調
瑣寒窗一調

宋六十名家詞

二

玉樓春二調
雙雁兒二調
玉樹新三調
解連環一調
人月圓二調
南歌子六調
甘草子一調
玉抱肚一調
兩同心四調
步蟾宮二調
點絳脣一調

清平樂二調
迎春樂一調
御街行一調
踏莎行一調
眼兒嬌一調
西江月二調
鷓鴣天四調
兩中花令三調
相見歡一調
長相思一調

漁家傲四調
永遇樂三調
柳梢青十七調
探春令四調
倒垂柳一調
生查子三調
天下樂一調
明月棹孤舟五調
朝天子一調
曲江秋三調

逃禪詞

宋 楊无咎

水龍吟

當年誰種官梅。自開自落清無地。一朝驚見。危亭岑立。繁華叢裏。知是賢侯。有難兄弟。素書時寄。縱舞擲如意。吟搔短髮。無從訴。心中喜。却對疎枝冷蕊。似於人不勝風味。冰姿斜映。朱唇淺破。欣然會意。青子垂垂。翠陰密密。尤堪頻憩。待促歸禁近。邦人指點。作甘棠比。

又(武甯瑞蓮)

曉來雨歇風生。素商乍入鴛鴦浦。紅蕖翠蓋。不知西帝。神遊何處。羅綺叢中。是誰相慕。憑肩私語。似漢皋珮解。桃源人去。成思憶。空凝竚。肯爲風流。令尹把芳心。雙雙分付。碧紗對引。朱衣前導。應須此去。好揖清香。盛邀佳客。杯行無數。喚瑤姬並立。如花並蒂。唱黃金縷。

又(趙祖文勳西湖圖名曰維相堂)

西湖天下應如是。誰喚作真西子。雲凝山秀。日增波媚。宜晴宜雨。況是深秋。更當遙夜。月華如水。記詞人解道。丹青妙手。應難寫。真奇語。往事輸他。范蠡泛扁舟。仍攜佳麗。毫端幻出。淡妝濃抹。可人風味。和靖幽居。老坡遺跡。也應堪記。更憑君畫我。追隨二老。遊千家寺。

又(雪)

小軒瀟洒清宵。午風正緊。門深閉。藁牀危坐。竹窗頻聽。春蟲撲紙。燈燼垂紅。篆烟消碧。衣輕如水。料飛花未止。堆簷已滿。時摧折。琅玕尾。骨冷魂清無寐。這身在。廣寒宮事。暗懷千古。渾疑一夜。冰生腸胃。歲事嵯峨。故園睽阻。歸期猶未。向寒鄉。不念豐年。只憶青天萬里。

又

夜來六出飛花。又催寂寞。袁門閉。幽齋無寐。寒欺衾布。明吞窗紙。起步閒庭。月華交映。長空如水。便乘風欲去。淩雲直上。青冥際。騎箕尾。誰信團成和氣。在賢侯笑談聲裏。咸驚句琢瓊瑰。端是錦纏腸胃。宿麥連雲。遺蝗入地。田家知未。更明年。看取東阡北陌。黃雲萬里。

又(木犀)

智瓊嬌額塗黃。爲誰種。作秋風蕊。寒香半露。綠帷深護。猶聞十里。山麝生臍。水沈削蠟。一時羞避。向錢塘江上。中秋月下。有人暗尋遺子。不奈書生習氣。對羣花。領略風味。騷人已去。欲紉幽佩。重爲湘酬。天賦風流。友梅兄。蕙輿桃奴。李向明窗。柴几纖枝未老。眼明如水。

念奴嬌

單于吹罷。望西山。乞得斜陽收脚。素魄旋升。聽桂子。風裏時時飄落。瑩徹杯盤。冷侵毛髮。渾不勝衣著。天公有意。爲人掀盡雲幕。童稚猶也多情。廣庭掃淨。草不容纖惡。步繞周遭疑便是。踏雪當年東郭。慢引歌聲。響穿雲際。直使姮娥覺。一尊重酬。爲言千載同約。

掃花遊

乳鶯囀午。好夢正初醒。小軒清楚。水沈細縷。趁遊絲落絮。緩隨風舞。罨起春心。又是愁雲怨雨。玉人去。徧徙倚舊時。曾並肩處。相望知幾許。縱遠隔雲山。不遮愁路。捧杯薦俎。記低歌麗曲。共論心素。薄恨斜陽。不道離情最苦。正凝佇。向譙樓。又催笳鼓。

隔浦蓮

牆頭低蔭翠幄。格磔鳴烏鵲。好夢驚回處。餘醒推枕猶覺。新晴人意樂。雲容薄。麗日明池閣。捲簾幕。披衣散策。閒庭吟繞。紅藥殘英幾許。尙可一供春酌。天氣今宵怕。又惡。憑托東風。且慢吹落。

一斛珠

水寒江靜。浸一抹青山倒影。樓外指點漁村近。笛聲誰噴。驚起賓鴻陣。往事總歸眉際恨。這相思情味誰問。淚痕空把羅襟印。淚應啼盡。爭奈情無盡。

陽春

蕙風輕。鶯語巧。應喜乍離幽谷。飛過北窗前。迎晴曉。麗日明透翠幃縠。篆臺芬馥。初睡起橫斜。簪玉因甚自覺腰肢瘦。新來又寬裙幅。起清鏡無心。欣梳裹。誰問著餘醒帶宿。尋思前懽往事。似驚回好夢難續。花亭徧倚檻曲。厭滿眼爭春凡木。儘憔悴過了清明候。愁紅慘綠。

白雪

蟾收雨脚。雲乍斂。依舊又滿長空。紋蠟焰低。熏爐燼冷。寒衾擁盡重重。隔簾櫳。聽撩亂。撲瀉春蟲。曉來見玉樓珠殿。恍若在蟾宮。長愛越水泛舟。藍關立馬。畫圖中。恨望幾多詩。無句可形容。誰與問。已經三白。或是報年豐。未應真個。情多老却天公。（亦作掃除陰翳。惟祈紅日生東。）

垂絲鈎

燕將舊侶呢喃。終日相語。似惜別離情。知幾許。誰與度。爲向人代訴。空朝暮。漫千言百句。怎生會得。爭如作個青羽。又聞院宇不在當時住。飛去無尋處。腸萬縷。寄暴風橫雨。

又（鄧端友席上贈呂倩倩）

玉纖半露。香檀低應。鼙鼓逸調響穿空。雲不度。情幾許。看兩眉碧聚爲誰訴。聽敲冰戛玉。恨雲怨雨。聲聲總在愁處。放杯未舉。傾坐驚相顧。應也腸千縷。人欲去。更畫簷細雨。

解蹀躞（呂倩倩吹笛）

金谷樓中人在。兩點眉顰綠。叫雲穿月橫。吹楚山竹。怨斷憂憶。因誰坐中有客。猶記在平陽宿。淚盈目。百轉千聲相續。停杯聽難足。漫誇天海風濤舊。時曲夜深烟慘。雲愁倩君洗醉明日。看梅梢玉。

醉落魄（龍涎香）

雙心小夢。瑞爐慢炷。煙初著。清香已透。紅綃幄。底事多情。玉筍更輕掠。鬢雲側畔。蛾眉角。妝成曾印鉛華薄。幾回殢酒襟懷惡。鶯舌偷傳低語教人嚼。

青玉案（徐侍郎生辰）

芝蘭桃李環圍著。擁和氣。浮簾幕。壽學交飛爭滿酌。一聲珠弗。數敲牙板。應有梁塵落。腰金雖重何曾覺。更看懸魚上麟閣。不用祖洲尋靈藥。平時陰德。幾人今日。額手稱安樂。

又

南州獨數多居士。誰富貴。歸桑梓。畫錦如公誰比似。傍湖開徑。雨簾雲棟。平地居仙子。行須勲業超青史。再侍宸幃任非次。醉袖儘教春酒漬。明年此會。壽觴欲舉。百拜君王賜。

又（次了翁韻）

奇葩珍樹叢叢繞。望仙隱蓬萊小。前枕湖光秋色曉。荷花今歲。也如人意。不逐西風老。霞觴獻壽頻頻倒。瑞靄浮空凝不掃。定自日邊飛詔早。芝庭呈秀。桂宮得意。更看明年好。

又（次賀方回韻）

五雲樓閣蓬瀛路。空相望。無由去。弱水渺茫誰可渡。君家徐福。蕩舟尋訪。却是曾知處。羣仙應問來何暮。說與榮歸錦封句。句裏丁寧天已許。要教強健。召還廊廟。永作商巖雨。

望江南（張節使生辰）

鍾陵好。嘉節慶元正。瑞色潛將春共到。台星遙映月初升。賢帥爲時生。
人意樂。天宇亦清明。淡薄梅腮嬌倚暖。依依柳眼喜窺晴。和氣滿江城。

又

鍾陵好。和氣滿江城。憶昨旌麾初正到。至今政令只寬平。仍歲兆豐登。
稱慶旦。遐邇一般情。共信我公躋壽考。弭來陰德被生靈。襦袴德歡聲。

又

鍾陵好。襦袴德歡聲。薰入管絃增亮響。喚教羅綺亦光榮。引滿勸金觥。
誰信是。元自悟長生。鈴閣纔投公事筆。雲章惟讀道家經。家世仰仙卿。

又

鍾陵好。家世仰仙卿。衣帶不須藏貝葉。集賢何用化金瓶。且欲佐中興。
期早晚。丹詔下天庭。不許南州猶從節。促歸東府共和羹。膏澤徧寰瀛。

選冠子（亦名蘇武慢。○許倅生展）

海上樓臺。壺中日月。乍覺掣來平地。熙熙雞犬。簇簇僮奴。亦自有登天志。知是仙官出應。亨期
因識。前修風味。看縱橫才美。雍容談笑。一團和氣。鍾秀處。雪深霜凝。梅清竹瘦。占盡小春佳
致。笙歌韻溢。錦繡香濃。飲少未妨歡醉。好在雙椿。佇看丹桂。分折芝庭蘭砌。向□□□□和羹。

勳業共傳家世。

滿庭芳（彭守生辰）

節物爭妍。江山改觀。已聞春到蕭灘。瑞煙和氣，蔥蒨接螺川。元是使君誕日，半千運來踵三賢。
（丞相劉公詩云：四百年間出三相。）爭相競，誰知勝地，拜相有前山。芳筵開富壽，羅綺□□簪組，駢闐正雪梅迎臘。霜月將圓，看取霜髯秀頰。人人道平世神仙，調元手陰功在繼。八百定長年。

二郎神（清源生辰）

炎光欲謝，更幾日薰風吹雨。共說是天公，亦嘉神貺，特作澄清海宇。灌口擒龍，離堆平水，休問功超前古。當中興護我邊陲，重使四方安堵。新府祠庭，占得山川佳處，看曉汲雙泉，晚除百病，奔走千門萬戶。歲歲生朝，勤勤稱頌，可但民無災苦。□□□願得地久天長，協佐皇都。

水調歌頭（次向薌林韻）

閨餘有何好。一歲兩中秋。霽雲捲盡依舊，銀漢截天流。長記薌林堂上，靜對小山叢桂，尊俎許從游。遙想此詩興，不減上南樓。引玉觴，看金餅，水雲頭。醉聽哦嚶，響脣羨王粲，賦荊州。此夕翻成愁絕，未斫廣寒丹桂，猶衣敝貂裘。萬事付諸笑，斗酒且寬憂。

又（再用前韻爲生日詞）

薌林有何好。花藥不驚秋。千章雲木長見，密葉翠光流。中有三朝勳舊，早歲辭榮軒冕，歸伴赤

松游不羨鴛鴦侶。鐘德景陽樓。問向來麟閣上。鳳池頭。有誰能繼。向來解印似蘇州。自是英姿絕俗。非我與時違異。何用衣羊裘。況得長生趣。千歲有懷憂。

又（徐侍郎生辰）

寥亮度絃管。笑語集簪纓。又逢華旦爭慶。豪傑爲時生。猶對中秋月影。漸放重陽菊蕊。萬寶正西成。爽氣知多少。天賦滿襟靈。擅詞華。追鮑謝。躡斯冰。入趨禁近。出鎮藩輔。早辭榮。休戀平湖佳致。好爲蒼生重起。歸去侍宸庭。一德及元□。千載致昇平。

又（韓倅九月八日生辰）

帝里記當日。賜第富相聯。惟居家最稱著。桐木老參天。三相勳庸才業。一代風流人物。繼世賴君賢。自合躋清要。小屈佐平川。下車初逢慶旦。聽歡傳冰清玉潤。仁愛終始被江端。滿泛黃花稱壽。細看紅萸枝健。和氣霽芳筵。隔日醉重九。千歲似今年。

傳言玉女（許永之以水仙瑞香黃梅幽蘭同坐名生四和卽席賦此）

小院春長整整繡簾低。軸異葩幽豔。滿千瓶百斛珠鈿翠珮。塵襪錦籠環簇。日烘風和。奈何芬馥。鳳隨龍津。覺從前氣味俗。夜闌人醉。引春蔥。兢□只愁飛去。暗與行雲相逐。月娥好在爲歌新曲。

又（王顯之席上）

料峭寒生。知是那番花信。算來都爲惜花人做恨。看猶未足。早覺枝頭吹盡。曲闌幽榭。亂紅成陣。灑酒花前。試停杯與爲問。褪香銷粉。問東君怎忍。韶華過半。贏得幾場春困。厭厭空似爲花愁損。

於中好

牆頭豔杏花。初試繞珍叢。細按紅蕊。欲知占盡春明媚。諳無意看桃李。持杯準擬花前醉。早一葉兩葉飛墜。晚來旋旋深無地。更聽得東風起。

又

濺濺不住溪流素。憶曾記碧桃紅露。別來寂寞朝朝暮。恨遮亂當時路。仙家豈解空相誤。嗟塵世自難知處。而今重與春爲主。儘浪蕊浮花妬。

又

梅花摘索穿疎竹。蔭紋禽喜懽相逐。坐中已自清堪掬。更瀟灑人如玉。新聲愛度周郎曲。捧霞杯再三相囑。無情有恨重分北。也撩得雙眉蹙。

瑞雲濃

暎離漫久。年華誰信曾換。依舊當時似花面。幽懽小會。記永夜杯行無算。醉裏屢忘歸。任虛簷月轉。能變新聲隨語意。悲歡感怨。可更餘音寄羌管。倦遊江淞。問似伊阿誰曾見。度已無腸。

爲伊可斷。

一叢花

娟娟微月可庭方。窗戶進新涼。美人爲我歌新曲，翻聲調韻出宮商。犀筯細敲，花瓷清響，餘韻繞紅梁。風流難似我清狂。隨處占煙光。憐君語帶京華樣，縱嬌軟不似吳邦。拚了醉眠，不須重唱，真个已無腸。

好事近（黃瓊）

花裏愛姚黃。瓊苑舊曾相識。不道風流種在，又一枝傾國。擬圖遮斷倚闌人，休教妄攀摘。其奈老來情減，負十分春色。

帶八嬌（李瑩）

惱亂東君。滿目千花百卉，偏憐處愛他穠李。瑩然風骨，占十分春意，休漫說唐昌觀中玉蕊。妬雪凝霜，淩紅掩翠，看不足可人情味。會須移種，向曲闌幽砌。愁綠葉成陰，道傍人指。

又（曾韻務調）

露下天高，最是中秋景勝。喜（小名）銀蟾十分增暈，（名）嫦娥飛下，見霧鬢風鬟。念八（第行）景園中，畫誰能盡。慢奏雲韶，美（字）斟仙醞。清不寐，桂香成陣。只愁來夕，又陰晴無準。却待約重圓，後期難問。

蝶戀花（會韻觀詞）

端正纖柔如玉削。窄鞦宮鞵，暖襯吳綾薄。堂上細看纔半搦。巧偷強奪嘗春酌。穩稱身材輕綽約。微步盈盈，未怕香塵覺。試問更誰如樣脚。除非借與嫦娥著。

又（牛楚）

春睡騰騰長過午。楚夢雲收，雨歇香風度。起傍妝臺低笑語。畫簷雙鵲尤偷顧。笑指遙山微斂處。問我清癯，莫是因詩苦。不道別來愁幾許。相逢更忍從頭訴。

又

昔在仁皇常極治。南極星宮，曾降爲嘉瑞。猶有畫圖傳好事。身材只恐君今是。對酒不妨同看戲。他日功名，晏子堪爲比。更願遠孫逢九世。安排君在雞窠裏。

又

萬里無雲秋色靜。上下天光，共水交輝映。坐對冰輪心目瑩。此身不在塵寰境。撲漉文禽飛不定。勾引離人，分外添歸興。來往悠悠重記省。夜闌人散花移影。

鏤解令

送人歸後酒醒時。睡不穩。衾翻翠縷。應將別淚洒西風。盡化作斷腸夜雨。卸帆浦溆。一種恹恹。兩處尋思。卻是我無情。便不解。寄將夢去。

憶秦娥

情難足。不堪黃帽催行速。催行速。扁舟一葉。別愁千斛。津亭送客驚相囑。舉杯欲唱眉先蹙。眉先蹙。背人掩面。不能終曲。

傾杯樂（上梁帥上元詞）

瑞日凝暉。東風解凍。峭寒猶淺。正池館梅英粉淡。柳枝金軟。蘭芽香暖。滕城誰種芙蓉滿。浸銀蟾影。一夜萬花開徧。翠樓朱戶。是處重簾競捲。羅綺簇歡聲一片。看五馬行春。旌旆遠。擁欄袴千里歌謠。都入太平絃管。且莫厭瑤觴屢勸。聞鳳詔催歸非晚。願歲歲今夜裏。端門侍宴。

望海潮（上梁帥生辰）

菊暗荷枯。橙黃橘綠。嘉時記得今朝。懽藹十州。香飄萬井。春容小試梅梢。星昴耀層霄。慶誕生元德。出佐明朝。雅奏聲中。彩旂光裏仰英標。遐年已卜民謠。最招徠瘵俗。洗盡奸驕。東府政聲。北門治績。流芳況自迢迢。莫惜拚今宵。聽緩敲牙板。引滿金蕉。看卽泥封峻。召無計駐華驄。

齊天樂（和周美成韻）

後堂芳樹陰陰見。疎蟬又還催晚。燕守朱門。螢粘翠幕。紋蠟啼紅慵翦。紗幮半捲。記雲驪瑤山。粉融珍簟。睡起援毫。戲題新句漫盈卷。睽離鱗雁頓阻。似聞頻念我。愁緒無限。瑞鴨香銷。銅壺漏永。誰借無眠展轉。蓬山恨遠。想月好風清。酒登琴薦。一曲高歌。爲誰眉黛斂。

又(端午)

疎疎數點黃梅雨。殊方又逢重五。角黍包金。菖蒲泛玉。風物依然荆楚。衫裁艾虎。更釵袅朱符。臂纏紅縷。撲粉香綿。喚風綾扇小窗午。沅湘人去已遠。勸君休對景。感時懷古。慢囀鶯喉。輕敲象板。勝讀離騷章句。荷香暗度。漸引入陶陶。醉鄉深處。臥職江頭。畫船喧疊鼓。

暮山溪(端午有懷新淦)

去年今日。蹤跡留金水。乘興挈朋儕。遊賞徧南峯佳致。崇仙岸左。爭看競龍舟。人洶洶。鼓鼙擊。不覺金烏墜。而今寂寞。獨處山林裏。欲去恨無因。奈阻隔川途百里。香蒲角黍。對暑悄無言。梅雨細。麥風輕。悵望空垂淚。

又(和驚州晏仲醇韻)

天姿雅素。不管羣芳妬。微笑倚春風。似窺宋牆頭凝竚。一春花草。陡覺更無香。懸繡帳。結羅巾。誰更熏沈炷。可堪開晚。未放韶光去。生怕糝庭階。直不忍蒼苔散步。會須開宴。滿摘蘸瑤觴。何況有綺窗人。嬌鬢相宜處。

又(同前)

玉英檀蕊。細意憑君看。青帝忒多情。費幾許春風暗翦。曉來欹枕。不覺嫩香飄。披宿霧。啓幽窗。不道開初徧。無窮風味。乍可蜂鶯占。莫遣俗人知。怕毒眼急須遮斷。倚牆壓架。嬌困臥枝頭。

心緒裏阿誰知似個人撩亂。

又（和徐侍郎木犀）

蟾宮仙種。幾日飄鴛鴦。密葉繡團圓。似翦出佳人翠袖。葉間金粟。簌簌糝枝頭。黃菊嫩。碧蓮披。獨對秋容瘦。濃香馥郁。庭戶宜燠透。十里遠隨風。又何必凭闌細嗅。明犀一點。暗裏爲誰通。秋夜永。月華寒。無寐聽殘漏。

醉蓬萊

見恩榮故里。著賢關。特然超指。滿腹詩書。洗膏粱餘味。羞挽烏號。換將藍綬。向廣庭親試。磊落胸襟。雍容人物。于今誰比。爭許才猷。合躋嚴禁行看橫飛。少將清議。喜對生朝。且陶陶歡醉。太華蓮開。海山桃熟。況是當佳致。滿引瑤觴。相期眉壽。居家重耳。

又

正纔過七夕。又近中元。素秋時候。月皎風高。漸涼生襟袖。灝氣澄凝。是誰清白。應此□□秀。味洗膏粱。才侔沈謝。三朝勳舊。好是新來日。臨連帥。化格黔黎。政歸仁厚。早禱羣祠。有雨隨車驟。願與寰區共資膏澤。歲歲稱眉壽。孝感靈泉。涓涓不絕。斟爲醇酎。

又

見禾山凝秀。禾水澄沔。地靈境勝。天與珍奇。產凌霄峯頂。嫩葉森槍。輕塵飛雪。冠中州雙井。絕

品家藏。武陵有客。清奇相稱。坐列羣賢。手呈三昧。雲逐甌圓。乳隨湯迸。珍重殷勤。念文園多病。毛孔生香。舌根回味。助苦吟幽興。兩腋風生。從教飛到蓬萊仙境。

朝中措

杯盤狼藉燭參差。欲去未容辭。春雪看飛金碾。香雲旋湧花瓷。雍容四座。矜誇一品。重聽新詞。歸路清風生腋。不妨輕撚吟髭。

又(熱水)

打窗急聽□然湯。沈水騰熏香。冷暖旋投冰碗。葷羶一洗詩腸。酒醒酥魂。茶添勝致。齒頰生涼。莫道淡交如此。於中有味尤長。

點絳脣(紫蘇熱水)

寶勒嘶歸。未教佳客輕辭去。姊夫屢竄。笑聽殊方語。清入回腸。端助詩情苦。春風路。夢尋何處。門掩桃花雨。

又

瓦枕藤牀。道人勸飲雞蘇水。清雖無比。何似今宵意。紅袖傳詩。別是般情味。歌筵起。絳紗影裏。應有吟鞭墜。

又(和向薌林木犀)

借問嫦娥。當初誰種婆娑樹。空中呈露。不墜凡花數。却愛薌林。便似蟾宮住。清如許。醉看歌舞。同在高寒處。

又

散策薌林。幾回來繞團團樹。月明風露。平地神仙數。準擬歸來。移近東家住。應相許。爲君起舞。直到高寒處。

卜算子

婆娑月事枝。隱約空中露。擬訪嫦娥高處看。一夜心生羽。仙種落人間。羣豔難儔侶。惱亂騷人有底香。欲賦無奇語。

又

平分月殿香。碎點金盤露。占斷秋光獨自芳。端稱觴飛羽。謝了卻重開。若個花同侶。誰識靈心一點通。手撚空無語。

又（李宜人生辰）

昨夜月初圓。今日春纔半。自是元君並旦生。豈在稱遐算。花語看加封。玉斚休辭滿。綺席來年誰與同。笑揖麻姑伴。

滴滴金（同前）

當初本合蟾宮裏。漫容易到塵世。表裏冰清誰與比。占無雙兩地。說說已是多孫子。看將來
總榮貴。歲歲今朝捧瑤觴。勸南園桃李。

又

相逢未盡論心素。早容易背人去。憶得歌翻腸斷句。更惺惺言語。萋萋芳草迷南浦。正風吹
打船雨。靜聽愁聲。夜無眠到水村何處。

上林春令（魯師文生辰）

糴李天桃堆繡。正暖日如薰芳袖。少年未用稱遐壽。願來歲如今時候。相將得意。皇都同攜
手上林春晝。

瑞鶴仙

看燈花燼落。更欲換門外。初聽剝啄。一尊赴誰約。甚不知早暮。忒貪歡樂。嗔人調謔。飲芳容索
強倒惡。漸嬌慵不語。迷奚帶笑。柳柔花弱。難莸扶歸。鴛帳不褪羅裳。要人求托。偷偷弄搦。紅
玉軟。暖香薄。待酒醒枕臂。同歌新唱。怕曉愁聞畫角。問昨宵。可曉歸遲。更休道著。

又

聽梅花再弄殘。酒醒無寐。寒衾愁擁。淒涼誰與共。漫贏得別恨。離懷千種。拂牆樹動。更曉來雲
陰雨重。對傷心好景。回首舊遊。恍然如夢。歡蹤西湖曾返。畫舫爭馳。繡鞍雙控。歸來夜中。要

銀燭銜金鳳。而今誰揀花枝同載。誰酌酒杯笑捧。但逢花對酒。空祇自歌自送。

又

見蘭枯菊悴。□寂寞天與春風來至。梅梢弄晴葉。似於人裝點。十分和氣。吳頭楚尾。聽民謠。歎聲鼎沸。總扶擗拍手。嬉遊鼓腹。頓忘愁悴。誰比承流宣化。問俗觀風。一時雙美。笙歌宴啓。交酬獻。儘沈醉。□□行看宸庭同拜。歸向天街並轡。對西湖把酒。應須共談舊治。

又

數文章翰墨。前輩遠稍稍風流。岑寂公才萬夫敵。嗣家聲不墜。江西人物。凝脂點漆。向鴛行神峯秀出。況襟懷倜儻。詞華洒落。未容儔匹。均逸妙齡識退。故國懷歸。問安親戚。屏風坐隔。看除召在晨夕。對生朝且趁清明時節。痛飲無妨墮幘。著萊衣戲舞。千春永如是日。

雨中花慢（一本失慢字非）

海宇澄明。天氣晏溫。人情物態昭蘇。喜分付攬轡。來與春俱。滿酒闌亭醉墨。丁寧黃石傳書。到如今幾載。不墜風流。世有名儒。山川瑞色。樵牧歡聲。盡隨絃管。虛徐判醉笑。頻揮玉塵。共挈金壺。滿袖聊勤大手。謀謨宜佐皇圖。定知朝暮。夫容溫席已促鋒車。

又（七少）

漠漠雲輕。涓涓露重。西風特地颼颼。覺良宵初永。神暑微收。乘鶴縵山。浮槎銀漢。尙想風流笑。

人間兒戲。瓜果堆盤。綵綵爲樓。廣庭淨掃。露坐披衣。細看新月如鉤。誰道是嫦娥不嫁。獨守清秋。雅有騷人伴侶。長交清影。夷猶舉杯相屬。却應羞殺。癡女癡牛。

又(中秋)

雨霽雲收。風高露冷。銀河萬里波澄。正冰輪初見。玉斧修成。還是一年。憑闌望處。對景愁生。想嫦娥應念。待久西廂。爲可中庭。番思皓彩。不如微暗。向人多少深情。長記得。牆陰密語。花底潛行。飲散頻羞燭影。夢餘常怯窗明。此時此意。有誰曾問。月白風清。

鵲橋仙

雲容掩映。星輝排燭。待得鵲成橋後。匆匆相見。夜將闌。更應到家乞巧。經年怨別。霎時歡會。心事如何可了。朝朝暮暮。是佳期。乍可在人間先老。

洞仙歌(草堂集題毛澤民)

癡牛駿女。漫恩深情遠。一歲惟能一相見。縱金風玉露。勝卻人間。爭奈向雪月花時阻間。幽歡猶未足。催度橋歸。烏鵲無端便驚散。別後欲重來。杳杳銀河。空悵望不勝悽斷。最可惜當初。泛槎人。甚不問天邊。遮些麼難。

多麗(中秋)

晚風清。淡雲捲盡輕羅。看銀蟾初離海上。碧溪萬里澄波。碾雲衢。玉輪緩駕。照山影。寶鏡新磨。

光徹庭除。寒生綺席。無聊清興助吟哦。共宴賞。明宵天氣。晴晦又知他。無眠處。夜濡滿露。目斷明河。念年來青雲失志。舉頭羞見嫦娥。且高歌。細敲檀板。拚痛飲。頻倒金荷。斷約他年重揮大手。桂枝須斫最高柯。恁時節。清光比似。今夕更應多。功名事。到頭須在。休用忙呵。

卓牌子慢（中秋次田不伐韻）

西樓天將晚。流素月。寒光正滿。樓上笑揖姮娥。似看羅幃塵生。鬢雲風亂。珠簾終夕捲。判不寐。闌干凭暖。好在影落清尊。冷侵香幄。歡餘未教人散。

倒垂柳（重九）

曉來煙露重。爲重陽增勝致。記一年好處。無似此天氣。東籬白衣至。南陌芳筵啓。風流曾未遠。登臨都在眼底。人生如寄。漫把茱萸看子細。整節聽高歌。痛飲莫辭醉。烏帽任教顛倒。風裏墜。黃花明日。縱好無情味。

惜黃花慢

霽空如水。襯落木墜紅。遙山堆翠。獨立閒階。數聲蟬度風前。幾點雁橫雲際。已涼天氣。未寒時。問好處。一年誰記。笑聲裏。摘得半釵金蕊。來至。橫斜爲插。烏紗更揉碎。泛入金尊瓊蟻。滿酌霞觴。願人壽。百千可奈此時情味。牛山何必獨沾衣。對佳節。惟應懽醉。看睡起。曉蝶也愁花悴。

醉花陰

滿城風雨無端惡。孤負登高約。佳節若爲酬。盛與歌呼。勝却秋蕭索。菊花旋摘揉青萼。滿滿浮杯杓。老鬢未侵霜。醉裏烏紗。不怕風吹落。

又

捧杯不管餘醒惡。玉腕寬金約。宛轉一聲清。戛玉敲冰。渾勝鳴絃索。朱唇淺破桃花萼。重注鷓鴣杓。夜永醉歸來。細想羅襟。猶有桿塵落。

又

楚鄉易得天時惡。風雨長如約。不道有幽人。衣帶秋深。猶是懸鵲索。招呼朋侶如花萼。有酒須同酌。世態任凋疎。卻愛黃花。不似羣花落。

又(爲鶯菊)

金鈴玉屑嫌非巧。生作文鴛小。西帝也多情。偷取佳名。分付閒花草。淵明手把誰攬酒。羞把簪烏帽。寄與綺窗人。百種妖嬈。不似醅釀好。

又

淋漓盡日黃梅雨。斷送春光暮。目斷向高樓。持酒停歌。無計留春住。撲人飛絮渾無數。總是添愁緒。回首問春風。爭得春愁也解隨春去。

解蹀躞

迤邐韶華將半。桃杏勻於染。又還撩撥。春心倍悽黯。準凝酩酊狂吟。可憐無復當年酒腸文膽。倦遊覽。憔悴羞窺鸞鑑。眉端爲誰斂。可堪風雨無情。暗亭檻。觸目千點飛紅。問春爭得春愁也隨春減。

瑣窗寒（時刻前段尾句多抵首二字非）

柳暗藏鴉。花深見蝶。物華如繡。情多思遠。又是一番清瘦。憶前回庭榭來春。個人預約同攜手。恨遲留載酒。期程孤負。踏青時候。忽雙眉暗闌。況無似今年。一春晴晝。風僝雨慙。直得恁時。迤邐想閒窗針線。倦拈寂寞。細撚醺醺。嗅待還家定。自冤人淚粉盈襟袖。

玉樓春（許運幹生辰）

朱簾碧瓦干雲際。占盡瀟灑形勢地。傍牆人喚狀元家。想見華堂融瑞氣。壽杯莫惜團圓醉。跳虎轉龜尋舊喜。小邦只恐久難留。異日君王重賜第。

又（爲重四十壽）

娉婷標格神仙樣。幾日瓊環離海上。小春只隔一旬期。菊蕊包香猶未放。霞觴滿酌搖紅浪。慢引新聲雲際響。玉顏長與姓相宜。壽數三回排第行。

又（某）

酒闌未放賓朋散。自揀冰芽教旋碾。調膏初喜玉成泥。澣沫共驚銀作線。已知於我情非淺。

不必叮嚀書掩面。滿簪乞得夜無眠。要聽枕邊言語軟。

清平樂（熱水）

開心暖胃。最愛門冬水。欲識味中猶有味。記取東坡詩意。笑看玉筍雙傳。還思此老親煎。歸去北窗高臥。清風不用論錢。

又

花陰轉午。小院清無暑。雪碗冰甌凝瀨露。自滌紫毫雞距。麝煤落紙生春。祇應李衛夫人。我亦前身逸少。莫嗔太逼君真。

漁家傲（十月二日老婆生辰）

昨日小春纔得信。明宵新月初生暈。又對壽觴斟九醞。香成陣。歡聲點破梅梢粉。琪樹長青資主潤。鴛鴦不老眠沙穩。此去期程知遠近。君休問。山河有盡情無盡。

又（同前）

菊暗荷枯秋已滿。橙黃橘綠冬初暖。草草杯盤成小宴。殷勤勸。尊前莫遣醴觴淺。兩鬢從教霜點半。人生最要長爲伴。舉酒豈徒稱壽算。深深願。來年更看門風換。

又（同前）

梅暈漸開紅蠟暈。菊籬尙耀黃金蕊。正是小春風物美。宜家喜。生朝顏巷猶和氣。古鼎氤氳

雲縷細。霞觴潏。潏紅鱗起。聽取殷勤歌裏意。千秋氣。北堂同我供甘旨。

又

事事無心閒散慣。有時獨坐溪橋畔。雨密波平魚曼衍。魚曼衍。綸輕釣細隨風捲。憶昔故人爲侶伴。而今怎奈成疎間。水遠山長無計見。無計見。投竿頓覺腸千斷。

雙雁兒

窮陰急景暗推遷。減綠鬢。損朱顏。利名牽役幾時閑。又還驚。一歲圓。勸君今夕不須眠。且滿。滿。泛觥船。大家沈醉對芳筵。願新年。勝舊年。

又

休驚明日歲華新。且喜得。又逢春。北堂歌舞奉慈親。願遐齡。等大椿。

迎春樂

新來特特更門地。都收拾山和水。看明年事事如意。迎福祿俱來至。莫管明朝添一歲。儘同向尊前沈醉。且共唱迎春樂。祝母千秋歲。

永遇樂

鴛瓦霜明。繡簾煙暖。和氣容與。雲想衣裳。風清環珮。擁翠娥扶步。蓬山遠別。仙班知是有客舊。

同儕侶。揭來到人間。又也愛他相門榮遇。清秋菊在小春梅綻。正是年華好處。酒滿瑤觴。歌翻金縷。莫放行雲去。已隨夫貴。仍因兒顯。兩國看封齊楚。此時對生朝聽我。卻稱壽語。

又

黃葉繽紛。碧江清淺。錦水秋暮。畫鼓鼙鼙。高牙颭颭。離棹無由駐。波聲笳韻。蘆花蓼穠。翻作別離情緒。須知道風流太守。未嘗愜情來去。那堪對此。來時單騎。去也文鴛得侶。繡被薰香。蓬窗聽雨。還解知人否。一川風月。滿隄楊柳。今夜酒醒何處。□□□雙棲正穩。慢搖去櫓。

又（梅子）

風褪柔英。雨肥繁實。又還如豆。玉核初成。紅膠尙淺。齒輒酸微透。粉牆低亞。佳人驚見。不管露沾襟袖。折一枝。欵頭未插。應把手。捻頻嗅。相如病酒。只因思此。免使文君眉皺。入鼎調羹。攀林止渴。功業還依舊。看看飛燕。銜將春去。又是欲黃時候。爭如向金盤滿捧。共君對酒。

玉燭新

荒山藏古寺。見傍水梅開。一枝三四。蘭枯蕙死。登臨處。慰我魂消惟此。可堪紅紫。曾不解和羹結子。高壓盡百卉千葩。因君合修花史。韶華且莫吹殘。待淺搵松煤。寫教形似。此時胸次。凝冰雪。洗盡從前塵滓。吟安个字。判不嫌勾牽幽思。誰伴我香宿蜂媒。光浮月姊。

御街行

平生厭見花時節。惟只愛梅花發。破寒迎臘吐幽姿。占斷一番清絕。照溪印月。帶煙和雨。傍竹仍藏雪。松煤淡出宜孤潔。最嫌把鉛華說。暗香銷盡欲飄零。須得笛聲嗚咽。這些風味。自家領略。莫與傍人說。

柳梢青

傲雪凌霜。平欺寒力。攬借春光。步繞西湖。興餘東閣。可奈詩腸。娟娟月轉迴廊。諠無處安排。暗香一夜相思。機枝疎影。落在寒窗。

又

雪黯煙輕。又要春色。來到芳尊。卻憶年時。月移清影。人立黃昏。一番幽思誰論。但永夜空迷。夢魂繞徧江南。繚牆深苑。水郭山村。

又

茆舍疎籬。半飄殘雪。斜臥低枝。可更相宜。煙籠修竹。月在寒溪。寧寧佇立移時。判瘦損無妨。爲伊誰賦才情。畫成幽思。寫入新詩。

又

月墮霜飛。隔窗疎瘦。微見橫枝。不消寒香。解離羌管。吹到屏帷。个中風味誰知。睡乍起烏雲。任欹。嚼蕊接英。淺鬟輕笑。酒半醒時。

又
日轉牆東。幾枝寒影。一點香風。清不成眠。醉憑詩興。起繞珍叢。
平生只个情鍾。漸老矣無愁。可供最是難忘。倚樓人在橫笛聲中。

又
玉骨冰肌。爲誰偏好。特地相宜。一段風流。廣平休賦。和靖無詩。
笑窺嚼蕊吹香。眉心貼處。鬢畔簪時。綺窗睡起春遲。困無力。菱花

又
爲愛冰姿。畫看不足。吟看不足。已恨春催。可堪風裏。飛英相逐。
祇應自惜高標。似羞伴妖紅。媚綠藏白。收香放他桃李。漫山籬俗。

又
水曲山傍。寒梢冷蕊。隱映脩篁。細細吹香。疎疎沈影。惱斷回腸。
爲伊駐馬橫塘。漫立盡煙村。夕陽空曷。吟鞭幾多詩句。不入思量。

又
天付風流。相時宜稱。著處清幽。雪月光中。煙溪影裏。松竹梢頭。
卻憎吹笛高樓。一夜裏教人。鬢秋不道。明朝半隨風遠。半逐波浮。

又
屋角牆隅。占寬閑處。種兩三株。月夕煙朝。影侵窗牖。香徹肌膚。羣芳欲比何如。瓊儒豈膏粱共途。因事順心。爲花修史。從記中書。

又
瑞鴨煙濃。曉來絃管。聲在霜空。卻退寒威。借回春色。滿苑香風。幾時人下瑤宮。記千載今朝慶逢。滿捧瑤觴。芝蘭叢裏。錦繡光中。

又
江月軒中。拍隄新漲。繞院薰風。深注瑤觴。低歌金縷。聲在晴空。新詞儘索無窮。斷酩酊衰顏爲紅。願得年年。繁枝子滿。綠葉陰濃。

又（步觀察生辰二首）

槐院風清。霽天欲曉。武曲增明。元是今朝。會生名將。力佐中興。皇家息馬休兵。享逸樂嬉遊。太平憂國。胸襟平戎。材略分付瑤觥。

又
灼灼紅榴。垂垂綠柳。庭戶清和。羅綺香中。十分春酒。幾疊高歌。遐齡欲問如何。記平日陰功數多。千載今朝。笑看池面。龜戲青荷。

又（李瑩）

小閣深沈。酒醺香暖。容易眠熟。夢入仙源。桃紅似火。李瑩如玉。覺來幾許悲涼。記永夜傳杯。換燭繡被薰香。寶釵落枕。同論心曲。

又（癸未秋社有懷故山）

送雁迎鴻。未寒時節。已涼天氣。鍼線倦拈。簾幃低捲。別般風味。欹眠夢到山中。共老幼扶攜。笑喜桑柘影深。雞豚香羨。家人人醉。

又

暴雨生涼。做成好夢。飛到伊行。幾葉芭蕉。數竿修竹。人在南窗。傍人笑我悽惶。算除是鐵心石腸。一自別來。百般宜處。都入思量。

解連環

素書誰托。嗟鱗沈雁斷。水遙山邈。問別來幾許離愁。但只覺衣寬。不禁消薄。歲歲年年。又豈是春光蕭索。自無心強陪醉笑。負他滿庭花藥。援琴試彈賀若。儘清于別鶴。悲甚霜角。怎得斜擁檀槽。看小品吟商。玉纖推卻。旋暖薰爐。更自炷龍津雙萼。正懷思。又還夜永。燭花自落。

踏莎行

燈月交光。笙簧遞響。繁華依舊昇平樣。心期休卜。紫姑神。文章曾照青藜杖。歌落梁塵。酒搖鱗浪。暫還南國同邀賞。明年侍輦向端門。卻瞻日表青霄上。

探春令

梅英粉淡。柳梢金軟。蘭芽依舊見。萬家燈火明如晝。正人月圓時候。揆香傍玉偷攜手。儘輕衫寒透。聽一聲畫角。催殘漏。惜歸去頻回首。

又

雪梅風柳。弄金鉤粉。峭寒猶淺。又還近三五。銀蟾滿。漸玉漏聲初短。尊前重約年時伴。揀燈詞先按。便直饒。心似蛾兒。撩亂也有春風管。

又

擗兒身分。側兒鞋子。捻兒年紀。著一套時樣。□□紅。甚打扮。饒濟濟。回頭一笑。千嬌媚。知幾多深意。奈月華燈影。交相照。俏沒個商量地。

又（劉伯玉生辰）

東風初到。小梅枝上。又驚春近。料天台不比人間日。月桃萼紅英暈。劉郎浪迹。憑誰問。莫因詩瘦損。怕桑田變海。仙源重返。老大無人認。

人月圓

風和日薄。餘煙嫩。惻惻透絞綃。相逢且喜。人圓玳席。月滿丹霄。爛遊勝賞。高低燈火。鼎沸笙簫。一年三百六十日。願長似今宵。

又

月華燈影光相射。還是元宵也。綺羅如畫。笙歌遞響。無限風雅。鬧蛾斜插。輕衫乍試。閑趁尖
耍。百年三萬六千夜。願長如今夜。

眼兒媚

柳腰花貌天然好。聰慧更溫柔。千嬌百媚。一時半霎。不離心頭。是人總道新來瘦。也著甚來
由。假饒薄命。因何瘦了。剗地風流。

倒垂柳

南州初會遇。記惺惺說底語。而今精神傾下。越樣風措。雍門人獨夜。客舍停杯處。餘香應未泯。
憑君重唱金縷。移宮易羽。縱有離愁。休訴。客裏忒淒涼。怕聽斷腸句。情山曲海。君已心相
許。驂鸞乘月。正好同歸去。

南歌子

露龍妝成態。風扶醉裏身。漫勞逸使走征塵。嶺外隴頭何處。不知春。詩思清如水。毫端妙入
神。可憐徒效越娘聲。爲問吟哦。摹寫幾曾真。

又（次東坡端午韻）

小雨疎疎過。長江滾滾流。落霞殘照晚明樓。又是一番重午。身寄南州。羅綺紛香陌。魚龍漾
小。

彩舟不堪回首。風池頭。誰道於今霜鬢。猶自淹留。

又（己未和韻）

波靜明如染。山光翠欲流。晚來乘興上裝樓。樓外誰歌新唱。知有黃州。擬泛銀河浪。聊乘藕葉舟。蓬山應是隱鼇頭。借問謫仙何在。今爲誰留。

又

笛噴風前曲。歌翻意外聲。年來老子厭風情。可是於君一見。眼雙明。枕臂聽殘漏。停杯對短檠。直教筆底有文星。欲狀此時情味。若爲成。

又

巾染烏煙碧。衣拖曉露鮮。盈盈風骨小神仙。特地勾牽處士夢。巫山。星宿羅胸次。牙籤弄指端。憑君爲算以行年。試問與伊結得幾生緣。

又

綵縷牽腸斷。明珠暗滴圓。從頭顚顚手親穿。寄與仙卿同結此生緣。和串攏瑜臂。連雲壓雪肩。循環密數對沈煙。似我真情不斷永相聯。

西江月

沙上鷗羣輕戲。雲端雁陣斜鋪。殷勤特爲故人書。寫盡衷腸情素。名字縱非儔匹。資緣自合。

歡娛。儘教塗抹費工夫。到底翻成喫醋。

又

態度雪香花瘦。情懷雨潤雲溫。故將淡墨寫精神。記得洗妝餘暈。只恐妖嬈未似。誰云彼此難分。別來憔悴不堪論。相對無言有恨。

生查子

秋深郎未歸。月上人初靜。無語意遲遲。步轉梧桐影。羅衣寬莫裁。雲鬢鬆還整。誰與問相思。立盡清宵永。

又

秋來愁更深。黛拂雙蛾淺。翠袖怯春寒。修竹蕭蕭晚。此意有誰知。恨與孤鴻遠。小立背西風。又是重門掩。

又

妖嬈百種宜。總在春風面。含笑又和嗔。莫作丹青現。問著卻無言。覷了還回盼。底處奈思量。倦了還轉展。

甘草子

秋暮。永夜西樓。冷月明窗戶。夢破檣聲中。憶在松江路。欹枕試尋曾遊處。記歷歷風光堪數。

誰與浮家五湖去。儘醉眠秋雨。

鷓鴣天

湖上風光直萬金。芙蓉並蒂照清深。須知花意如人意。好在雙心同一心。詞共唱。酒俱斟。夜闌扶醉小亭陰。常時比翼連枝願。未必風流得似今。

又

休倩傍人爲正冠。披襟散髮最宜閑。水雲況得平生趣。富貴何曾著眼看。低泊棹。稱鳴鑾。一尊長向枕邊安。夜深貪釣波間月。睡起知他日幾竿。

又

不學真空不學仙。不居塵市不居山。時沾魯酒供詩興。莫管吳霜點鬢斑。只麼去。幾時還。豈知魂夢□□間。憑君休作千年調。到處惟知一味閑。

又

蕙性柔情忒可憐。盈盈真是女中仙。披圖一見春風面。攜手疑同玳瑁筵。揮象管。擘蠻牋。等閑寫就碧雲篇。風流意態猶難畫。瀟灑襟懷怎許傳。

天下樂

雪後雨兒雨後雪。鎮日價長不歇。今番爲寒忒太切。和天地也來廝鬪。睡不著身心自暗攪。

況味憑誰說。枕衾冷得渾似鐵。祇心頭些个熱。

玉抱肚

同行同坐。同攜同臥。正朝朝暮暮同歡。怎知終有拋擲。記江臯惜別。那堪被流水無情送輕舸。有愁萬種。恨未說破。知重見甚時可。見也渾閑。堪嗟處。山遙水遠。音書也無个。這眉頭強展。依前鎖。這淚珠強收。依前墮。我平生不識相思。爲伊煩惱。忒大你還知麼。你知後我也甘心受。摧挫。又只恐你背盟誓。似風過。共別人忘著。我把洋瀾左。都捲盡。與殺不得這心頭火。

雨中花令

堪惆悵紅塵千里。恨死撥浮名浮利。欠我溫存。少伊擱就。兩處懸懸地。擬待歸來伏不是。更與問孤眠子。細月照紗窗。曉燈殘夢。可噉惡滋味。

又

早已是花魁柳冠。更絕唱不容同伴。畫鼓低敲。紅牙隨應。著个人勾喚。慢引鶯喉千樣轉。聽過處幾多嬌怨。換羽移宮。偷聲減字。不顧人腸斷。

又

原來是雲溫雨潤。謂不解伴。噯偷悶。傾坐精神。懽人情性。眉際生春暈。語帶京華清更韻。聽姪娉鶯喉嬌穩。別後相思。心頭欲見。覓个燈花信。

朋月棹孤舟。（白玉○向誤作夜行船，後三闋同誤，今按譜正之。）

不假鉛華嫌太白。玉槎成體柔腰弱。明月堂深蓮花杯。軟情重自斟瓊液。寄語砒砒休並立。信秦城未教輕易。絳闕樓成藍橋藥就。好吹簫乘鸞翼。

又（呂倩）

醉袖輕籠檀板轉。聽聲聲曉鶯初囀。花落江南柳青客舍。多少舊愁新怨。我也尋常聽見慣。渾不似這翻撩亂。調少情多語嬌聲咽。曲與寸腸俱斷。

又（周三五）

寶髻雙垂煙縷縷。年紀小未周三五。壓□精神出羣標格。偏向衆中翹楚。記得譙門初見處。禁不定亂魂飛去。掌托鞋兒肩拖裙子。悔不做閑男女。

又

怪被東風相錯誤。落輕帆暫停煙渚。桐樹陰森。荇櫓瀟瀟。元是那回來處。相與狂朋沾綠醕。聽胡姬隔窗言語。我旣癡迷。君還留戀。明日慢移船去。

夜行船

夾岸綺羅歡聚。看喧喧彩舟來去。晴放湖光。雨添山色。誰識總相宜處。輸與騷人。却知勝趣。醉臨流戲評坡句。若把西湖比西子。這東湖似東隣女。

兩同心

行看不足。坐看不足。柳條輕斜倚春風。海棠睡醉欹紅玉。清堪掬。桃李漫山。真成麝俗。遙夜

又

秋水明眸。翠螺堆髮。卻扇坐羞落庭花。淩波步塵生羅襪。芳心發。分付春風。恰當時節。漸解

又

月可中庭。夜涼初燕。見個人越格風流。饒濟濟入時打扮。小從容。不似前回。匆匆得見。坐上

又（夢牛楚）

涼生秋早。夢魂忒好。見玉人且喜且悲。接璫臉廝偎廝抱。信言多剛被。山禽一聲催曉。覺來

相見歡（尚作烏夜啼誤）

不禁枕簟新涼。夜初長。又是驚回好夢。葉敲窗。江南望。江北望。水茫茫。贏得一襟清淚伴餘香。

朝天子（周師從小閣）

小閣寬如掌。占螺浦山川夷曠。千奇萬狀。見雲煙收放。更永夜風生明月上。用取真成無盡藏。誰共賞。徒倚撫危闌吟望。

步蟾宮（九月二十六夜宿周師從家。睡覺風雨作。有懷木犀）

桂花馥郁清無寐。覺身在廣寒宮裏。憶吾家妃子舊遊。瑞龍腦暗藏葉底。不堪午夜西風起。更颭颭萬絲斜墜。向曉來卻的給孤園。乍驚見黃金布地。

又

一斑兩點從初起。這手脚漸不靈利。背人只得暗搔爬。腥臭氣薰天炙地。下梢管取好膿水。要潔淨怎生堪洗。自身作壞匹如閑。更和卻傍人帶累。

長相思（己卯歲留滬上。同諸交泛舟至蘆家洲。登小閣。追用賀方回韻。以資坐客歡笑。）

急雨回風。淡雲障日。乘閑攜客登樓。金桃帶葉。玉李含朱。一尊同醉青州。福善橋頭。記檀槽淒絕。春筍纖柔。窗外月西流。似潯陽商婦鄰舟。況得意情懷。倦妝模樣。尋思可奈離愁。何妨乘逸興。任征帆只抵蘆洲。月怯花羞。重見相歡情更稠。問何時佳期卜夜綢繆。

曲江秋

前山雨歇。愛竹樹低陰。軒窗無熱。珠箔半垂。清風細繞。蕭蕭吹華髮。珍簾粲枕設。珊瑚瘦。琉璃

滑。永日欹枕。知誰是伴。舊書重揭。清絕。輕雲淡月。夢同泛滄波萬疊。杯盤狼藉處。相扶就枕。歡笑歌翻雪。轉棹小溪灣。人家燈火斷明滅。正攜手無端驚回。檻外數聲鷓鴣。

又

香消燼歇。喚沈水重燃。薰爐猶熱。銀漢墜懷。冰輪轉影。冷光侵毛髮。隨分且宴設。小槽酒。真珠滑。漸覺夜闌。烏紗露濡。畫簷風揭。清絕。輕紈弄月。緩歌處眉山怨疊。持杯須我醉。香紅映臉。雙腕凝霜雪。飲散晚歸來。花梢指點流螢滅。睡未穩。果窗漸明。遠樹又聞鷓鴣。

又

鳴鳩怨歇。對急雨過雲。暗風吹熱。漠漠稻田。差差柳岸。新沐青絲髮。樓上素琴設。愛流水。隨絃滑。深炷龍津。濃薰絳幕。博山頻揭。超絕遙岑吐月。照蒼葭重重疊疊。恍然身在處。渾疑同泛。花舫波噴雪。滉漾醉魂醒。驚呼不是。漚生滅。佇望久空嘆。無才可賦。厭聽鷓鴣。

點絳脣（趙青才席上用東坡韻贈歌者）

小閣清幽。膽瓶高插梅千朵。主賓歡坐。不速還容我。換羽移宮。絕唱誰能和。伊知麼。暫聽些。个。已覺絲戈栗。場者塵起。觀其舞之。繞梁也。一作裏字者誤。

逃禪詞終

跋

補之清江人。世所傳江西墨梅。卽其人也。其詩文亦不多見。向有補之詞行世。或謂是晁補之謬矣。無論字句之舛譌。章次之顛倒。卽調名如一斛珠誤作品令。相見歡誤作烏夜啼之類。亦不可條舉。今悉一一釐正。但散花庵詞客一無選錄。豈謂其多獻壽之章。無麗情之句耶。草堂集止載癡牛騃女一調。又逸其名。後人妄注毛東堂。可恨。坊本無據。反令人疑香奩之或疑或僞。云古虞毛晉識。